

## ASTIGARRAGAKO UDALAREN ETA JUAN MANUEL OYARBIDEREN ARTEKO HITZARMENA, DIRULAGUNTZA IZENDUNA ARAUTZEKO

Astigarragan, 2026ko uztailaren 29an.



### PARTE HARTZEN DUTE

Alde batetik, Xabier Urdangarin Lasa, Astigarragako alkatea, Astigarragako Udalaren izenean eta ordezkartzan.

Bestetik, Juan Manuel Oyarbide Goizueta 34.086.942-E NA zenbakia duena Santiagomendi auzoko bizilaguna.

Bi aldeek hitzarmen hau egiteko gaitasun osoa eta kasuan kasuko ordezkartza aitortzen diote elkarri eta eragin horretarako ondokoa

### ADIERAZI DUTE:

- 1.- Toki Araubidearen Oinarriak arautzen dituen 7/1985 Legearen 25. artikulua eta/edo Euskadiko Toki Erakundeei buruzko 2/2016 Legearen 17. artikuluari jarraikiz, udalerrien eskumen propioa dela: kultura eta kultura-jarduerak antolatzea eta sustatzea, eta erabilera publikoko kultura ekipamenduak kudeatzea.
- 2.- Juan Manuel Oyarbide Goizueta Santiagomendiko auzoko bizilaguna dela eta bere helburua auzoko jaiak antolatzea dela.
- 3.- Santiagomenduko auzoko bizilagunak 2026/03/24an eta 2026/06/05ean (2026-00000001545 eta 2026-00000002902 erregistro zenbakiak, hurrenez hurren) Astigarragako Udalarri eskaera egin diola dirulaguntza eman diezaion, 2026an Santiagomendi auzoko jaiak antolatzeko.
- 4.- Astigarragako Udalak onartuta duela dirulaguntzen plan estrategikoa eta indarrean dagoen plan horretan dirulaguntza izendunen lerro hau jasotzen dela:

*Pertsona hartzaileak:* Juan Manuel Oyarbide Goizueta

*Ematearen modalitatea:* Izenduna.

*Helburua:* Santiagomendi auzoko jaiak antolatzea.

5.- Udalak Juan Manuel Oyarbide Goizuetaren izenean 4.000 € dituela aurreikusita eta onartuta udal aurrekontuko kontu-sail honetan: 1 0700.481.01.334.12 2026 (1665)

6.- Dirulaguntzei buruzko 38/2003 Lege Orokorraren 22. eta 28. artikuluekin eta *Dirulaguntzak ematea arautzen duen udal ordenantzarekin* (aurrerantzean dirulaguntzen ordenantza) bat etorrita, zuzenean ematen diren dirulaguntzen erabakiak hitzarmen bidez hartu behar direla; eta ezinbestekoa dela araudi horietan xedatutakoa kontuan hartzea.

Ondorioz, bi aldeek erabaki dute hitzarmen hau onartzea baldintza hauekin:

### BALDINTZAK

**LEHENA.-** Hitzarmenen honen xedea Santiagomendiko jaiak antolatzeko dirulaguntza arautzea da.

**BIGARRENA.-** Jaietako jarduerak bideratzeko Astigarragako Udalak Juan Manuel Oyarbide Goizuetari **4.000 €-ko dirulaguntza emango** dio.

**HIRUGARRENA.-** Juan Manuel Oyarbide Goizuetak betebeharrak hauek ditu:

**3.1. Jarduera hauék burutzea:**

Abuztuaren 14 eta 15ean Santiagomendiko jaiak ospatzeko hainbat jarduera antolatzea: mus txapelketa, idi dema, tortilla lehiaketa, sagardo lehiaketa, trikitilariak, herri kirolak, toka, haurrentzako jarduerak, erromeria... etab.

**3.2. Dirulaguntzaren ordenantzaren 22. artikuluan adierazitakoa betetzea, hala nola:** diru-ekarpena dirulaguntzaren xederako erabiltzea, dirulaguntza zuritzea, beharrezko baimenak eskatzea, udalaren ikuskaritza onartzea, hizkuntza eta berdintasun irizpideak betetzea, aldaketa esanguratsuen berri ematea.

**3.3. Juan Manuel Oyarbide Goizuetaren ardura izango da ekintza bideratzeko beharrezko giza baliabideak jartzea; eta nolanahi ere, indarrean dagoen legeria betetzea.**

**3.4. Dirulaguntza itzultzea, baldin eta dirulaguntza emateko ezarritako baldintzak eta betebeharrak betetzen ez badira, eta, nolanahi ere, indarrean dagoen araudiak xedatutako kasuetan.**

**3.5. Dirulaguntza justifikatzea 2026ko irailaren 30erako** beranduenez, eta gastuak zuritzea dirulaguntzen ordenantzaren 243. artikuluan zehaztutako agirien bidez. Horrez gain, gogoan hartu eta bete egingo dira jarraibide hauek:

- diruz lagunduko diren eta ez diren gastuei buruz, besteak beste, dirulaguntzen ordenantzaren 8. artikulua dioenari jarraituko zaio, hala nola: ostalaritza eta dieta gastuak zerbitzua edo lana ordaintzeko denean bakarrik onartuko dira, baldin eta

gastua emandako zerbitzuarekiko proportzionala bada eta zerbitzua eman duen taldekideei mugatzen bazaie. Kanpotik bidaiatu behar duten talde ez profesionalen kasuan bakarrik onartuko dira zerbitzuaren fakturaz gain ostalaritza eta dieta gastu gehigarriak. Bidaia gastuak berriz, gehienez %30ean lagunduko dira.

- Zuriketarako, Juan Manuel Oyarbide Goizuetak urteko jardunaren txostena aurkeztuko dio Udalari, ondoko informazio eta agiriekin batera:
  - Memoriaren fitxa osatuta (emanaldiak, datak, parte-hartzaileak, balorazioa, argazkiak...)
  - Gastuen zerrenda (gastu bakoitzaren azalpena eta bakoitzari dagokion faktura edota egiaztagiria zerrendaren ordena berean)
  - Diru sarrerren ziurtagiriak
  - Hizkuntza eta berdintasun fitxak eta ikus-entzunezko eta material grafiko oro (kartel, esku-orri, bideo...)

**3.7.** Jasotako zenbatekoak itzultzea, dagozkion atzerapen interesekin, Dirulaguntzen Lege Orokorraren 37. artikuluan araututako kasuetan, bai eta dirulaguntzen ordenantzan edota hitzarmen honetan jasotako baldintzak ez betetzeagatik.

**3.8.** Hitzarmen honetan hitzartutako lankidetzak eta betetze mailaren jarraipena egiteko udalak eskatutako bilerak egitea eta informazioa ematea. Udalak horrela eskatuz gero, Juan Manuel Oyarbide Goizuetak ezingo dio uko egin.

**LAUGARRENA.-** Udalaren betebeharrak hauek izango dira:

**4.1.** Onartutako dirulaguntza ordaintzea, hitzarmen honetan finkatutako moduan.

**4.2.** Jarraian adierazten diren udal azpiegitura eta ekipamenduak uztea (*aretoak, espazio publikoak, mahaia, aulkiak...*) , baldintza hauetan:

- Udal material eta ekipamendu orokorra ere Juan Manuel Oyarbide Goizuetaren esku jarriko da jardueraren baterako beharrezkoa bada eta libre baldin badago. Aldiro eskaera aurkeztu beharko da udal erregistroan.

**4.3.** Hitzarmen honen baitan burutuko diren jardueren informazioaren berri garaiz ematea Udalak hileroko agendan eta bestelako euskarrietan argitara dezan.

**4.4.** Diru itzulketen espedienteak izapidetzea dirulaguntzen ordenantzaren 26 eta 27. artikuluen arabera.

**4.5.** Hitzarmen honetan jasotakoak ez betetzea arau-haustetzat jo daitekeenean (dirulaguntzaren ordenantzaren 28. artikuluen arabera) zehapen espedienteak izapidetzea ordenantzaren 29 eta hurrengo artikuluei jarraiki.

**BOSGARRENA.-** Udalaren dirulaguntza bateragarria izango da beste erakunde publiko edo pribatuek xede bererako eman ditzaketen bestelako dirulaguntzekin. Edozein modutan, ez da gain finantzaketarik egongo, eta hala gertatuko balitz, Juan Manuel Goizueta Oyarbidek dirua itzuli egin beharko luke.

**SEIGARRENA.-** Hitzarmen honek izaera administratiboa du eta bere interpretazioan eta garapenean dirulaguntzei aplikagarria zaien administrazioaren ordenamendu juridikoa aplikatuko da.


Interpretazio hori egitea, Astigarragako Udalari dagokio eta horrek hartutako erabakiek amaiera emango diote bide administratiboari eta hartzen diren unetik bertatik bete beharrekoak izango dira.

**ZAZPIGARRENA:** Hitzarmen honetako alde biek hartzen dituzten betebeharrak edo erantzukizunak, eta elkarrengandik dituzten eskubideak, eta hitzarmen honetan aurreikusten edo jasotzen ez den guztietarako, honako legeria aplikatuko da:

1. Apirilaren 2ko Toki Korporazioetako Oinarri arautzailearen 7/1985 zenbakidun Legea eta apirilaren 18ko erregimen lokaleko arauak biltzen dituen 781/1986 zenbakidun Testu Bateratua, beti ere Kontratu Legean ezarritakoaren aurka ez baldin badoa.
2. Herri Administrazioetako Dirulaguntzak arautzen dituen azaroaren 17ko 38/2003 Legea.
3. Uztailaren 21eko 887/2006 Errege Dekretua, zeinen bitartez dirulaguntza orokorrak arautzen dituen azaroaren 17ko 38/2003 legearena erreglamentua onartzen dena.
4. Dirulaguntzen Udal Ordenantza (*ordenantza eskura dago udalaren webgunean: <https://www.astigarraga.eus/eu/beste-ordenantza-batzuk>*)
5. Honetaz gain, zuzenbide administratiboko arauak eta bere kasuan zuzenbide pribatuko arauak aplikatuko dira.

**ZORTZIGARRENA:** Hitzarmen honetatik sortzen diren auziak administrazioko auzigaietarako jurisdikzioaren menpe geratuko dira.

Horrela jaso dadin eta ados daudela adierazteko hitzarmen hau sinatu dute hasieran adierazitako lekuan eta datan.

|                                                                                                                                                                        |                                                                                                                                                                  |
|------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------|
| <p>Xabier Urdangarín Lasa</p>  <p>Alkatea</p> <p>Astigarragako Udalaren izenean</p> | <p>Juan Manuel Oyarbide Goizueta</p>  <p>Santiagomendi auzoko bizilaguna</p> |
|------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------|